

HILABETEKARIA



'ARDI BELTZA' ZENBAKIZ ZENBAKI. «Ilusioa eta utopia» uztartu zituen Ardi Beltza hilabetekariak 2000. urteko lehen hilean lehen aldiz kalera atera zelarik. Hilabete hauetan guztietan hutsik egin gabe atera da, Euskal Herriatik abiatuta mundu osoko berri ezkutuak azaleratuz. Gerra zikina, trama polizialak, narkotrafikoa... baina

baita hezkuntza, kultura eta alor guztietako azpi-jokoak argitaratuz. Ez da produktu erosoia izan askorentzat. Goiko irudietan orain arte argitaratutako *Ardi Beltza*-ren azalak ageri dira, eta martxoan kaleratzeko prest duten zenbakiarena. Azkena izateko arriskua dago, Baltasar Garzon epailearen asmoa betetzen bada.

Xabin Makazaga | DONOSTIA

Egun seinalatuan atera zen kalera lehen aldiz *Ardi Beltza*: 2000. urteko urtarrilean. Urtebete baino gehiago bazeramaten, ordea, aldizkaria prestatzen. Baltasar Garzon epailearen aginduz *Egin* egunkaria itxi zuten 1998ko udan, eta bertako Ikerkuntza Taldeak proiektu berri bati ekin zion. Izan ere, *Gara*-ren baitan ikerkuntza kazetaritza bereziki ez lantzea erabaki zuten. Beren lana aginteari lotutako jende askorentzat «deserosoa» dela jakinaren gainean, zuhurragoa ere bazen beren kasa aritzea.

Pepe Rei kazetaria buru zutela —urtarrilaren 18tik preso dago—, ikerketa kazetaritzak Euskal Herrian «egitekoa» bazuela ondorioztatu zuten, *Ardi Beltza*-ko sailburu Igor Egurennek EGUNKARIARI azaldu dionez.

Hasieratik zehaztu zuten ildo editoriala: abertzalea, ezkertiarra eta internazionalista. Eta *Egin*-eko Ikerkuntza Taldearen

Hamabost hilabete estoldak erakutsiz

IKERKETA KAZETARITZA. *Egin* itxi ostean, bertako Ikerkuntza Taldea proiektu berrian sartu zen. Ikuspegi berarekin, eremua zabaldua

ohiko lan esparrua «zabaltzea» erabaki zuten: «Ikuspegi berari eutsiz gerra zikina, trama polizialak, narkotrafikoa eta abar lantzeaz gain, gizartearen alor guztietara zabaltzea izan zen erabakia», azaldu du Igor Egurennek. Aldizkaria 17 sailetan banatu zuten.

Atzetik babesa emango zien kapital handirik ez zutela argi izaki, *Ardi Beltza*-ren banaketa harpidetza bidez egitea deliberratu zuten: «Kioskora atera eta banatzeak produktuaren %50 eramaten du; eta *Egin*-ekin gertatu zena ikusirik, ez genuen

bahiketak eta halakorik gertatzerik nahi».

Zortzi bat mila harpidedunekin hasi ziren, hamar milara iristeko helburuarekin «kalitatezko produktu bat egin ahal izateko». Ia 12.000 dituzte gaur egun. «Lau mila harpidedun berri egin izana oso inportantea da guretzat. Jasan dugun kriminalizazio kanpaina aintzat hartuta, *Ardi Beltza* itxiko dutela zabaldu, eta ordu betean dozena erdi harpidetza jasotzea ere esanguratsua da».

Egin-eko Ikerkuntza Taldea Euskal Herriari lotzen zitzaion

ia erabat, baina Espainiako eta Frantziako nazioetan ere «gauza interesgarriak» gertatzen ari zirela ikusirik, hor ere zabaldu zuten esparrua *Ardi Beltza*-k. «Aldizkaria ezagutarazteko kanpoan izan ginenetan, askok esan ziguten *Egin* heldulekua izan zutela urte askoan, baina Euskal Herriako zela. Guk, hango informazioa jasotzea eta hemengoan hant zabaltzea interesgarri zela ikusi genuen».

Etorkizunari begira, «hobetzen» jarraitzeko helburua du *Ardi Beltza*-k, «uzten badigute». Garzonek itxiera gauzatu arren,

ikerketa kazetaritzaren esparruak hor jarraituko duela esan zuen Igor Egurennek: «Seguru gaude norbaitek egingo duela, guri ez badigute uzten».

Salaketaz gain, gertakarien muina ere azaldu behar dela uste baitute *Ardi Beltza*-koek. Datuekin, estoldak erakustea; eta ondo egindakoak ere bai: «Beti azpijokoak eta horrelako informazioa ateratzea nekagarria gerta zitekeela ikusi genuen eta, horrenbestez, leku batzuetan gauza egiten ziren gauzak beste lekutan ondo egiten zirela ere agertu nahi izan genuen».

Jasandako «kriminalizazioa» beren lanerako oztopo izan dela adierazi du Igor Egurennek. Eta adierazpen askatasunaren mugak argi geratu direla, Pepe Rei espetxeratuz eta *Ardi Beltza* ixteko hasi duten ekimenarekin. «Euskal Herria jasaten ari den eraso agerikoa da. Pepe Reik esan zuen bezala, Euskal Herriarekiko konpromisoa azaltzen duen guztiak zabalik ditu espetxeko ateak».